



Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, br. 35/05), a u vezi sa članom 69. stav (1) tačka a) i članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj: 39/14), na preporuku Komisije za javne nabavke u Zapisniku o pregledu i ocjeni ponuda, broj: 07-45-11148-6/22 od 02.12.2022. godine, ministrica Ministarstva pravosuđa i uprave, donosi:

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za Javne nabavke za predmet ugovora „Nabavka radova-Uređenje kancelarijskog prostora za potrebe Ministarstva pravosuđa i uprave“ i dodjeljuje se ugovor prvorangiranom ponuđaču „Alivuk&Co“ d.o.o.Bihać za ponudenu cijenu iz ponude, broj: 39-11-22 od 28.11.2022. godine u iznosu od 8.541,50 KM sa popustom, bez PDV-a, odnosno 9.993,56 KM sa PDV om.

Član 2.

Ministrica Ministarstva pravosuđa i uprave će nakon donošenja Odluke o izboru najpovoljnijeg ponuđača i po prethodno pribavljenom mišljenju Kantonalnog pravobranioca potpisati ugovor sa najpovoljnijim ponuđačem.

Član 3.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici www.vladausk.ba.

OBRAZLOŽENJE:

Ministarstvo pravosuđa i uprave je shodno Odluci o pokretanju Nabavka radova-Uređenje kancelarijskog prostora za potrebe Ministarstva pravosuđa i uprave, broj: 07-45-11148-1/2022 od 15.11.2022. godine objavilo na Portalu javnih nabavki Obavjeste o nabavci, broj 19713-7-3-6-3-1/22 od 16.11.2022. godine, Tendersku dokumentaciju, broj: 07-45-11148-2/22 od 16.11.2022. godine, te dodatno proslijedio Obavijest na tri adrese: „Alivuk&Co“ d.o.o. Bihać, „DŽ i Š Gradnja“ d.o.o. Bihać i „Gradnja Nova“ doo, Bihać, kojom je obavjestilo ponuđače da u slučaju zainteresiranosti preuzmu tendersku dokumentaciju sa portala e-nabavke za predmetnu nabavku.

Na osnovu Obavještenja o nabavci i tenderskoj dokumentaciji izvršeno je zaprimanje ponuda, zatim je Komisija za javne nabavke obavila javno otvaranje ponuda dana 28.11.2022.godine u 12:30 sati u prostorijama Ministarstva. Komisija je na javnom otvaranju ponuda konstatovala da je do ostavljenog roka za dostavljanje ponuda (28.11.2022. godine) blagovremeno pristigle dvije ponude, i to:

1. Ponuda "Alivuk&Co" d.o.o. Bihać, zaprimljena 28.11.2022.godine u 9:05h pod brojem protokola 07-45-11148-5/2022
2. Ponuda "Gradnja Final" d.o.o. Bužim, zaprimljena 28.11.2022.godine u 10:55h, pod brojem protokola 07-45-11148-4/2022

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da su ponude ponuđača formalno pravno ispravne.

Za predmetnu nabavku je, u skladu sa Pravilnikom o uslovima i načinu korištenja e aukcije („Sluzbeni glasnik Bosne i Hercegovine", broj: 66/16) i tenderskom dokumentacijom bila predviđena e-aukcija.


E-aukcija održana je dana 02.12.2022.godine u 10h. Predmet e-aukcije su bile ponude ponuđača „Alivuk&Co“ u iznosu od 8.541,50KM bez PDV-a i ponuda ponuđača „Gradnja Final“ doo u iznosu od 9.985,00KM bez PDV-a. Kriterij za dodjelu ugovora je bila najniža cijena. Shodno izvještaju o provedenoj e-aukciji vidljivo je da u toku e-aukcije nije bilo promjene cijerna, te je za pobjednika e-aukcije proglašen ponuđač „Alivuk&Co“, doo Bihać, sa ponuđenom cijenom 8.541,50KM bez PDV-, odnosno 9.993,56Km sa PDV-om.

Cijeneći navedeno, ugovorni organ donosi Odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema ove odluke i to u pisanoj formi i u dovoljnom broju primjeraka, a koji ne može biti manji od tri.

Broj: 07-45-11148-7/22
Bihać, 02.12.2022.godine



MINISTRICA
Sanja Mujakić, dipl.pravnik